

ვამტკიცებ

ა(ა)იპ წმინდა ალექსი შუშანიას სახელობის  
მართლმადიდებლური სკოლა-გიმნაზიის  
დირექტორი ნინო ჯანჯღავა

ბრძანება №194; 24 სექტემბერი, 2019წ.

წმინდა ალექსი შუშანიას სახელობის მართლმადიდებლური  
სკოლა-გიმნაზიის  
მოსწავლეთა თვითმმართველობის  
დებულება

## სარჩევი

მუხლი 1. ზოგადი დებულებები.....	3
მუხლი 2. მიზნები და ამოცანები .....	3
მუხლი 3. თვითმმართველობის დაფინანსების წყაროები:.....	3
მუხლი 4. მოსწავლეთა თვითმმართველობის არჩევის წესი.....	4
მუხლი 5. მოსწავლეთა თვითმმართველობის თავმჯდომარის არჩევის წესი .....	4
მუხლი 6. მოსწავლეთა თვითმმართველობის თავმჯდომარის ფუნქციები .....	4
მუხლი 7. მოსწავლეთა თვითმმართველობის წევრისა და თავმჯდომარისათვის უფლებამოსილების შეწყვეტის წესი .....	5
მუხლი 8. თვითმმართველობის მუშაობის წესი.....	5
მუხლი 9. თვითმმართველობის ძირითადი ფუნქციები .....	5
მუხლი 10. დებულების დამტკიცება და ცვლილებების შეტანა.....	6

## **მუხლი 1. ზოგადი დებულებები**

- 1.1. მოსწავლეთა თვითმმართველობა არის „ზოგადი განათლების შესახებ“ საქართველოს კანონის 47-ე და 48-ე მუხლებისა და წმინდა ალექსი შუშანიას სახელობის მართლმადიდებლური სკოლა-გიმნაზიის(შემდგომში - სკოლა-გიმნაზია) დებულების 28-ე მუხლისა და შინაგანაწესის 47-ე მუხლის შესაბამისად არჩეული ორგანო. იგი წარმოადგენს სკოლა-გიმნაზიის სტრუქტურულ ერთეულს და უფლებამოსილებას ახორციელებს მომდევნო სასწავლო წელს მოსწავლეთა შესაბამისი თვითმმართველობის ახალი არჩევნების ჩატარებამდე;
- 1.2. მოსწავლეთა თვითმმართველობა დაკომპლექტებულია საბაზო და საშუალო საფეხურის მოსწავლეებისაგან, რომლებიც აირჩევიან შესაბამისი საფეხურების მოსწავლეთა მიერ;
- 1.3. მოსწავლეთა თვითმმართველობა ვალდებულია, თავისი საქმიანობა წარმართოს ამ დებულების საფუძველზე და მის შესაბამისად, წვლილი შეიტანოს მოსწავლეთა განვითარებაში.

## **მუხლი 2. მიზნები და ამოცანები**

- 2.1. მოსწავლეთა თვითმმართველობის ძირითადი ამოცანაა ხელი შეუწყოს სკოლა-გიმნაზიის ფუნქციონირებასა და მმართველობით საკითხებში მოსწავლეთა მაქსიმალურ ჩართულობას;
- 2.2. მოსწავლეთა თვითმმართველობა თავისი უფლებამოსილების ფარგლებში:
  - 2.2.1. იცავს და წარმოადგენს მოსწავლეების უფლებებსა და კანონიერ ინტერესებს;
  - 2.2.2. თანამშრომლობს სხვა საგანმანათლებლო, სასწავლო და სპორტულ/კულტურულ დაწესებულებებთან;
  - 2.2.3. მოსწავლეთა თვითმმართველობის მიზნების მისაღწევად ახორციელებს „ზოგადი განათლების შესახებ“ საქართველოს კანონით და ამ დებულებით გათვალისწინებულ სხვა უფლებამოსილებებს.
- 2.3. მოსწავლეთა თვითმმართველობის ძირითად მიზნებს წარმოადგენს:
  - მოსწავლეთა პრობლემური თუ საინტერესო საკითხების განხილვა და სკოლა-გიმნაზიის მმართველობითი ორგანოების ინფორმირება;
  - სხვადასხვა საგანმანათლებლო აქტივობების ორგანიზება მოსწავლეთა პრაქტიკული უნარებისა და თეორიული ცოდნის განვითარებისათვის;
  - თავისუფალი პიროვნების ჩამოყალიბებისათვის საჭირო პირობების შექმნა;
  - მოზარდის გონებრივი და ფიზიკური უნარ-ჩვევების განვითარება, ცხოვრების ჯანსაღი წესის დამკვიდრება;
  - კულტურულ ფასეულობათა პატივისცემა; მოსწავლის მიერ ოჯახის, საზოგადოების, სახელმწიფოსა და გარემოს წინაშე საკუთარი უფლება-მოვალეობების გაცნობიერებაში ხელშეწყობა.

## **მუხლი 3. თვითმმართველობის დაფინანსების წყაროები:**

- 3.1 მოსწავლეთა თვითმმართველობის დაფინანსების წყაროებია:
  - ა) სკოლა-გიმნაზიის ბიუჯეტი;
  - ბ) მოსწავლეთა მიერ მოპოვებული გრანტები, შემოწირულობები;
  - გ) სხვა, კანონით ნებადართული შემოსავლები.

#### **მუხლი 4. მოსწავლეთა თვითმმართველობის არჩევის წესი**

- 4.1. საბაზო და საშუალო საფეხურის მოსწავლეები ირჩევენ თვითმმართველობას.
- 4.2. თვითმმართველობის წევრები აირჩევიან თანასწორობის საფუძველზე, ფარული კენჭისყრით, კლასების მიხედვით თანაბარი წარმომადგენლობის პრინციპის დაცვით;
- 4.3. საბაზო და საშუალო საფეხურის მოსწავლეთა თვითმმართველობის არჩევნები ტარდება სასწავლო წლის დაწყებიდან 1 თვის ვადაში;
- 4.4. მოსწავლეთა თვითმმართველობების არჩევნების ჩატარების თარიღს ნიშნავს სკოლა-გიმნაზიის დირექტორი;
- 4.5. საბაზო და საშუალო საფეხურების მოსწავლეთა თვითმმართველობაში თითოეული კლასის მოსწავლეები ირჩევენ თითო წარმომადგენელს, მომდევნო სასწავლო წელს მოსწავლეთა შესაბამისი თვითმმართველობის ახალი არჩევნების ჩატარებამდე;
- 4.6. საბაზო და საშუალო საფეხურის მოსწავლეთა თვითმმართველობის არჩევნებში მონაწილეობის მიღების უფლება აქვს, შესაბამისად, საბაზო და საშუალო საფეხურის ყველა მოსწავლეს;
- 4.7. საბაზო და საშუალო საფეხურების თითოეული კლასის მოსწავლე ხმას აძლევს ერთ კანდიდატს მოსწავლეთა თვითმმართველობაში ასარჩევად. გამარჯვებულად ითვლება მოსწავლე, რომელიც მეტ ხმას მოიპოვებს;
- 4.8. მოსწავლეები, რომელთაც სურთ არჩეულნი იყვნენ საბაზო და საშუალო საფეხურის თვითმმართველობაში, რეგისტრაციას გადიან შესაბამისი კლასის დამრიგებელთან არჩევნების ჩატარებამდე არა უგვიანეს 3 დღით ადრე, დამრიგებლის არარსებობის შემთხვევაში კი სკოლა-გიმნაზიის დირექტორთან;
- 4.9. მოსწავლეთა თვითმმართველობის წევრობის კანდიდატებს უფლება აქვთ აწარმოონ წინასაარჩევნო აგიტაცია და კამპანია;
- 4.10. ჩატარებული არჩევნები დასტურდება შესაბამისი ოქმებით.

#### **მუხლი 5. მოსწავლეთა თვითმმართველობის თავმჯდომარის არჩევის წესი**

- 5.1. მოსწავლეთა თვითმმართველობის თავმჯდომარე არის მოსწავლეთა თვითმმართველობის უმაღლესი თანამდებობის პირი, რომელიც თავმჯდომარეობს თვითმმართველობას;
- 5.2. მოსწავლეთა თვითმმართველობის თავმჯდომარე აირჩევა მოსწავლეთა შესაბამისი თვითმმართველობის ახალი არჩევნების ჩატარებამდე.

#### **მუხლი 6. მოსწავლეთა თვითმმართველობის თავმჯდომარის ფუნქციები**

- 2.1. მოსწავლეთა თვითმმართველობის თავმჯდომარე
  - ა) ხელმძღვანელობს მოსწავლეთა თვითმმართველობას;
  - ბ) წარმოადგენს მოსწავლეთა თვითმმართველობას სკოლა-გიმნაზიის დირექციასთან და მესამე პირებთან ურთიერთობაში;
  - გ) კოორდინაციას უწევს მოსწავლეთა თვითმმართველობის მიერ შექმნილი კლუბების საქმიანობას;
  - დ) კანონმდებლობით დადგენილი წესით ახორციელებს სხვა უფლებამოსილებებს.

## **მუხლი 7. მოსწავლეთა თვითმმართველობის წევრისა და თავმჯდომარისათვის უფლებამოსილების შეწყვეტის წესი**

- 7.1. საბაზო და საშუალო საფეხურების მოსწავლეთა თვითმმართველობის თავმჯდომარისათვის/წევრისათვის უფლებამოსილების ვადამდე შეწყვეტის საფუძველია:
- პირადი განცხადება;
  - 7.1.1. მოსწავლის სტატუსის შეჩერება/ სკოლა-გიმნაზიიდან ამორიცხვა/ სწავლის დასრულება;
  - 7.1.2. სკოლა-გიმნაზიის შინაგანაწესის ან წინამდებარე დებულების წესების უხეში დარღვევა;
  - 7.1.3. არასაკმაყოფილო მიზნით 2 თვის მანძილზე მასზე დაკისრებული მოვალეობის შეუსრულებლობა;
  - 7.1.4. სასამართლოს მიერ ქმედუუნაროდ, გარდაცვლილად ან უგზოუკვლოდ დაკარგულად გამოცხადება;
  - 7.1.5. სხვა ობიექტური გარემოება.
- 7.2. საბაზო და საშუალო საფეხურების მოსწავლეთა თვითმმართველობის თავმჯდომარის უფლებამოსილების ვადამდე შეწყვეტის შემთხვევაში, მოსწავლეთა თვითმმართველობა შესაბამისი საფეხურის მოსწავლეთა თვითმმართველობის დარჩენილი წევრებიდან ირჩევს თავმჯდომარეს დარჩენილი უფლებამოსილების ვადით.

## **მუხლი 8. თვითმმართველობის მუშაობის წესი**

- 8.1. მოსწავლეთა თვითმმართველობას ხელმძღვანელობს თვითმმართველობის მიერ არჩეული თავმჯდომარე, ხოლო მისი არყოფნის შემთხვევაში სხდომას წარმართავს თვითმმართველობის მოადგილე;
- 8.2. თვითმმართველობის პირველი სხდომა იმართება მოსწავლეთა თვითმმართველობის არჩევიდან 7 დღის ვადაში, ხოლო შემდგომ - მოსწავლეთა თვითმმართველობის თავმჯდომარის მიერ საჭიროების შემთხვევაში.

## **მუხლი 9. თვითმმართველობის ძირითადი ფუნქციები**

- 2.1. თვითმმართველობა დასახული მიზნების მისაღწევად ახორციელებს შემდეგ ძირითად ფუნქციებს:
- თანამშრომლობს დირექციასთან და სხდომებზე მიღებულ გადაწყვეტილებებს ათანხმებს მასთან;
  - იცავს მოსწავლეთა ინტერესებს და მათი უფლებებს, საჭიროების შემთხვევაში შუამდგომლობს მოსწავლეებს სკოლა-გიმნაზიის დირექციასთან;
  - ხელს უწყობს სკოლა-გიმნაზიაში არსებული კლუბების აქტიურ მუშაობას;
  - მონაწილეობას იღებს სკოლა-გიმნაზიაში მიმდინარე ღონისძიებების, პროექტების დაგეგმვასა და განხორციელებაში;
  - შუამდგომლობას აყენებს სკოლა-გიმნაზიის დირექტორთან გამორჩეული მოსწავლეების წახალისების საკითხთან დაკავშირებით;
  - გეგმავს გამოფენებს სკოლა-გიმნაზიის ტერიტორიაზე სკოლა-გიმნაზიის დირექტორთან შეთანხმებით;
  - შეიმუშავებს რეკომენდაციებს სკოლა-გიმნაზიის შინაგანაწესთან დაკავშირებით;
  - დირექტორს წარუდგენს წინადადებებს სკოლა-გიმნაზიისათვის მნიშვნელოვან ყველა საკითხთან დაკავშირებით;
  - სკოლა-გიმნაზიის წესდებითა და დებულებით დადგენილი წესით და საქართველოს კანონმდებლობის შესაბამისად მონაწილეობს მოპოვებული გრანტის განკარგვაში

## **მუხლი 10. დებულების დამტკიცება და ცვლილებების შეტანა**

- 10.1. მოსწავლეთა თვითმმართველობის დებულებას ამტკიცებს სკოლა-გიმნაზიის დირექტორი;
- 10.2. დებულების დამტკიცება, მასში ცვლილებებისა და დამატებების შეტანა ხდება შესაბამისი წინადადებების მოსწავლეთა თვითმმართველობის სხდომაზე განხილვის შედეგად.